



კანონთა და განკარგულებათა კრებული

ამიერკავკასიის სოციალისტური ფედერაციული საბჭოთა რესპუბლიკის
მუშათა და გლეხთა მთავრობისა.

1930 წლის

აგვისტოს 16.

№ 15

განყოფილება პირველი

ა/კსფსრ სახალ. კომისართა
საბჭოს საქმეთა მმართვე-
ლობის მიერ გამოცემული.

შ ი ნ ა ა რ ს ი:

დადგენილება ამერკავკასიის ცენტრალური აღმასრულებელი კომიტეტისა და ა/კსფსრ სახალხო კომისართა საბჭოსი.

161. 1930 წლის საშემოდგომო თესვის სასოფლო-სამეურნეო კამპანიასთან დაკავშირებით სასო-
ფლო-სამეურნეო ორგანიზაციების დაპირემირების შესახებ.

დადგენილებანი ა/კსფსრ სახალხო კომისართა საბჭოსი.

- 162. საშემოდგომო მიმოხილვათა შესახებ.
- 163. „1930-31 წლის ერთიანი სასოფლო სამეურნეო გადასახადის კანონის ძირითად დებულებათა თაობაზე“ გამოცემული ა/კსფსრ სახალხო კომისართა საბჭოს დადგენილების მე-11 მუხლის შეცვლის შესახებ.
- 164. „1930 წლის საგაზაფხულო კამპანიისათვის ბამბის თესვის გეგმის აღსრულების უზრუნველ-საყოფად საჭირო ღონისძიებათა თაობაზე“ გამოცემული ა/კსფსრ სახალხო კომისართა საბ-
ჭოს 1930 წ. მარტის 15-ის დადგენილების 1-ლი მუხლის შენიშვნის გაუქმების შესახებ.
- 165. ა/კსფსრ სახელმწიფო საგეგმო კომისიასთან არსებული ამიერკავკასიის ნაგებობათა სამე-
ცნიერო-საკვლეგო ინსტიტუტის დებულების დამტკიცების შესახებ.
- 166. დებულება პურ-ფურაჟისა და ხილფულ-ბოსტნეულის დამზადებათა ჩატარებისთვის ხელ-
მძღვანელობისა, მეთვალყურეობისა და კონტროლის გასაწევად დანიშნული ა/კსფსრ სა-
ხალხო კომისართა საბჭოს განსაკუთრებული რწმუნებულისა და ა/კსფსრ შედგენილობაში
შემაველი რესპუბლიკების განსაკუთრებულ რწმუნებულთა შესახებ.
- 167. ა/კსფსრ უმაღლეს ეკონომიურ საბჭოსთან სარეწაო კოოპერაციისა და შინამრეწველობის
კომიტეტის მოწყობის შესახებ.
- 168. 1929-30 წლის კვარტალში ა/კსფსრ-თვის ოთხდები საქონლის დამზადებისა და ხორცის მომა-
რაგების შესახებ.

დადგენილება ამიერკავკასიის ცენტრალური აღმასრულებელი კომიტეტისა და ა/კსფსრ სახალხო კომისართა საბჭოსი.

161. 1930 წლის საშემოდგომო თესვის სასოფლო-სამეურნეო კამპანიასთან დაკავშირებით სასოფლო-სამეურნეო ორგანიზაციების დაპრემირების შესახებ.

1930 წლისათვის დასახული საშემოდგომო სასოფლო-სამეურნეო კამპანიის გეგმის შესრულების წახალისებისა და მაქსიმალურად უზრუნველყოფისათვის, აგრეთვე სოფლის სოციალისტური სექტორის ყოფაცხოვრებაში სოციალისტური შეჯიბრების პრინციპებისა და მუშაობის გაძლიერებული ტემპების (დაპყრელობის) შთანერვისათვის—ამიერკავკასიის ცენტრალური აღმასრულებელი კომიტეტი და აკსფსრ სახალხო კომისართა საბჭო ადგენენ:

I

1. დაწესებულ იქნეს ამიერკავკასიის ცენტრალური აღმასრულებელი კომიტეტის სახელობის პრემიების მიცემა იმ რაიონებისა, დიდროვან საბჭოთა მეურნეობებისა და კოლექტიურ მეურნეობებისათვის, აგრეთვე სამანქანო-სატრაქტორო სადგურებისათვის, რომელთაც თავი იჩინეს წინამდებარე საშემოდგომო სასოფლო-სამეურნეო კამპანიის გეგმის შესრულებაში.

2. 1-ლ მუხლში აღნიშნული პრემიების გაცემის ორგანიზაციისა და განკარგულებისათვის ამიერკავკასიის ცენტრალური აღმასრულებელი კომიტეტის პრეზიდიუმთან მოწყობილ იქნეს პრემიალური კომისია შემდეგ დაწესებულებათა და ორგანიზაციათა წარმომადგენლების შედგენილობით: ამიერკავკასიის ცენტრალური აღმასრულებელი კომიტეტისა (თამჯღომარე), სრულიად საკავშირო კომუნისტური პარტიის (ბ) ამიერკავკასიის სამხარეო კომიტეტისა, სრულიად საკავშირო ალკკ ამიერკავკასიის სამხარეო კომიტეტისა, ამიერკავკასიის პროფესიონალურ კავშირთა საბჭოსი, ა/კ. მიწათმოქმედების სახალხო კომისარიატისა, ა/კ. კოლექტიურ მეურნეობათა საბჭოსი და რესპუბლიკანური სასოფლო-სამეურნეო კომპერატიულ ამხანაგობათა კავშირების ა/კ. კავშირისა; ამ წარმომადგენელთ აღნიშნული დაწესებულებები და ორგანიზაციები გამოჰყოფენ პერსონალურად და დაამტკიცებს ამიერკავკასიის ცენტრალური აღმასრულებელი კომიტეტი.

3. ამიერკავკასიის ცენტრალური აღმასრულებელი კომიტეტის სახელობის პრემიები გაიცემა ა/კსფსრ შედგენილობაში შემავალი რესპუბლიკების ცენტრალური აღმასრულებელი კომიტეტების პრეზიდიუმების წარდგენით.

4. ამიერკავკასიის ცენტრალური აღმასრულებელი კომიტეტის სახელობის პრემიებად ითვლება:

ა) ამიერკავკასიის ცენტრალური აღმასრულებელი კომიტეტის გარდამავალი დროშა;

ბ) სასოფლო-სამეურნეო გადასახადისაგან განთავისუფლება ან შელავათების მიცემა სასოფლო-სამეურნეო გადასახადზე;

გ) შეღავათიანი დაკრედიტება;

დ) რთული სასოფლო-სამეურნეო მანქანები.

5. დავეალოს ამიერკავკასიის ცენტრალური აღმასრულებელი კომიტეტის პრეზიდიუმთან არსებულ პრემიალურ კომისიას:

ა) მიიღოს ღონისძიებანი ა/კსფსრ შედგენილობაში შემავალი რესპუბლიკების ცენტრალურ აღმასრულებელ კომიტეტებთან არსებული პრემიალური კომისიების მუშაობისათვის მეთვალყურეობისა და ხელმძღვანელობის გასაწევად;

ბ) მიიღოს ღონისძიებანი, რათა მოსახლეობას ფართოდ ეუწყოს პრესისა, კინოს, რადიოს ან სხვა საშუალებით იმათ შესახებ, ვინც თავი იჩინა საშემოდგომო სასოფლო-სამეურნეო კამპანიის ჩატარებისა და სასწრაფოდ განხორციელების საქმეში;

გ) დავეალოს პერიოდულ პრესას, განსაკუთრებით საგლეხოს, აგრეთვე კედლის გაზეთებს ფართოდ გააშუქონ შეჯიბრების მსვლელობა და დაპრემირებისათვის წარდგენილი ორგანიზაციების მუშაობა, აგრეთვე აწარმოონ ულმო-ბელი ბრძოლა ცრუ დამკვრელობასთან.

6. წინადადება მიეცეს ა/კსფსრ მიწათმოქმედების სახალხო კომისარიატს, ა/კსფსრ ფინანსთა სახალხო კომისარიატთან და სხვა დაინტერესებულ უწყებებთან შეთანხმებით, შეიმუშაოს და წარადგინოს, სამი დღის ვადაზე, ა/კსფსრ სახალხო კომისართა საბჭოში, — ზოლო შემდგომ დასამტკიცებლად ამიერკავკასიის ცენტრალური აღმასრულებელი კომიტეტის პრეზიდიუმში წარსადგენად, — ამიერკავკასიის ცენტრალური აღმასრულებელი კომიტეტის პრეზიდიუმთან არსებული დაპრემირების ფონდისა, ამ ფონდის წყაროებისა და დაპრემირების პირობებისა და წესების დებულება.

II.

7. წინადადება მიეცეს ა/კსფსრ შედგენილობაში შემავალი რესპუბლიკების ცენტრალურ აღმასრულებელ კომიტეტებს გამოსცენ ერთი კვირის ვადაზე ანალოგიური დადგენილებანი აღნიშნული აღმასრულებელი კომიტეტების პრეზიდიუმების პრემიებისა და აგრეთვე სარაიონო აღმასრულებელი კომიტეტებისა, საბჭოთა მეურნეობებისა, კოლექტიური მეურნეობებისა და სამანქანო-სატრაქტორო სადგურების მიერ პრემიების გაცემის საქმის მოწყობის შესახებ შემდეგ საფუძველზე:

ა) აღნიშნული პრემიების ორგანიზაციისა და განკარგულებისათვის ზემოხსენებული ცენტრალური აღმასრულებელი კომიტეტების პრეზიდიუმებთან, სარაიონო აღმასრულებელ კომიტეტებთან, საბჭოთა მეურნეობებთან, კოლექტიურ მეურნეობებთან და სამანქანო სატრაქტორო სადგურებთან მოეწყობიან პრემიალური კომისიები; ამასთანავე, ცენტრალური აღმასრულებელი კომიტეტების პრეზიდიუმებთან და სარაიონო აღმასრულებელ კომიტეტებთან არსებული კომისიების შედგენილობა და მტკიცდება ამა დადგენილების მე-2 მუხ. აღნიშნული წესის ანალოგიურად; საბჭოთა მეურნეობებისა, კოლექტიური მეურნეობებისა და სამანქანო-სატრაქტორო სადგურების პრემიალური კომისიების შედგენილობა აირჩევა საბჭოთა მეურნეობებისა და სამანქანო-სატრაქტორო სადგურების მუშათა საერთო კრებაზე და კოლექტიურ მეურნეთა საერთო კრებაზე;

ბ) ა/კსფსრ შედგენილობაში შემაჯავლი რესპუბლიკების ცენტრალური აღმასრულებელი კომიტეტების პრეზიდიუმები დააპრემიერებენ: სასოფლო საბჭოებსა, კოლექტიურ მეურნეობებსა, მუშათა ბრიგადებსა, დასახლებულობათა ამხანაგობებსა, სარემონტო სახელოსნოებსა და აგრონომიულ პერსონალს სარაიონო პრემიალური კომისიების წარდგენით;

გ) სარაიონო აღმასრულებელი კომიტეტები დააპრემიერებენ: სამანქანო-სატრაქტორო კოლონებსა, ხარ-ცხენიან კოლონებსა, ბრიგადებსა, კოლექტიური მეურნეობებისა, საბჭოთა მეურნეობებისა და სამანქანო-სატრაქტორო სადგურების დამკვერელებს, ოცდახუთითათასეულელებს, მუშა-ბრიგადელებს, სოფლის კორესპონდენტებს, მექობნეებს და სხვ.;

დ) სამანქანო-სატრაქტორო სადგურებისა, საბჭოთა მეურნეობებისა და კოლექტიური მეურნეობების პრემიალური კომისიები დააპრემიერებენ ბრიგადებს, ცეხებს, ცვლებს და დამკვერელებს;

ე) საბჭოთა მეურნეობებისა, კოლექტიური მეურნეობებისა და სამანქანო-სატრაქტორო სადგურების პრემიალური კომისიების მიერ დაპრემირებისათვის დანიშნული კანდიდატურები ფართოდ უნდა იქნეს განხილული კოლექტიურ მეურნეთა და საბჭოთა მეურნეობებისა და სამანქანო-სატრაქტორო სადგურების მუშათა კრებებზე;

ვ) იმ ორგანიზაციებისა და პირების შესახებ, რომელნიც თავს იჩინენ, მოსახლეობას უნდა ეცნობოს პრესისა, კინოს, რადიოს ან სხვა საშუალებით;

ზ) რესპუბლიკანური ცენტრალური აღმასრულებელი კომიტეტების პრემიათა შორის გათვალისწინებულ უნდა იქნეს შეღავათები კულტურულ დაწესებულებათა (ბავა, ბავშვთა ბაღი, კინო, რადიო, კლუბი) დაკრედიტებაზე, სასოფლო-სამეურნეო მანქანები და ინვენტარი, ექტონები და ნატურალური პრემიები აგრონომებისა და სოფლის მეურნეობის სხვა სპეციალისტ-დამკვერელებისათვის;

თ) სარაიონო აღმასრულებელი კომიტეტების პრემიათა რიცხვში—მარტივი სასოფლო-სამეურნეო მანქანები, დამკვერელებისათვის — გაგზავნა სასწავლოდ, სამკურნალოდ და დასასვენებლად, პრემია ნატურად—ტანსაცმელი, სათი, ველოსიპედი, რადიო, ბიბლიოთეკა და სხვ.;

ი) კოლექტიური მეურნეობები, საბჭოთა მეურნეობები და სამანქანო-სატრაქტორო სადგურები პრემიებს გასცემენ მხოლოდ ნატურად ან გაგზავნიან დასაპრემირებელთ კოლექტიური მეურნეობის ხარჯზე სასწავლოდ, სამკურნალოდ, საექსკურსიოდ და სხვ.;

კ) როგორც საერთო წესი—ფულადი პრემია არ გაიცემა.

8. რესპუბლიკების ცენტრალური აღმასრულებელი კომიტეტების პრეზიდიუმებთან არსებულ პრემიალურ კომისიებს დაეკისროს ხელმძღვანელობა და ცოცხალი ინსტრუქტაჟი ქვემდგომი პრემიალური კომისიების მიმართ და ადგილობრივ დაპრემირებისათვის წარმოებულ მუშაობაში გეგმიანობის უზრუნველყოფა.

ამიერკავკასიის ცენტრალური აღმასრულებელი
კომიტეტის თავმჯდომარე **ს. კახიანი.**

ა/კსფსრ სახალხო კომისართა საბჭოს
თავმჯდომარის მოადგილე **ა. ბეგზადიანი.**

ამიერკავკასიის ცენტრალური აღმასრულებელი
კომიტეტის მდივანი **ა. შავერდოვი.**

1930 წ. აგვისტოს 13.

ტფილისი—სასახლე.

გამოქვეყნებულია „ზარია-ვოსტოკა“-ს 217 №-ში 1930 წ. აგვისტოს 14-ს.

დადგენილებანი ა/კსფსრ სახალხო კომისართა საბჭოსი.

№ 267.

162. საშემოდგომო მიმოზიდვების შესახებ.

ა/კსფსრ სახალხო კომისართა საბჭო აღგენს:

1. მოწყობილ იქნეს ა/კსფსრ სახალხო კომისართა საბჭოსთან სამიმოზიდვო თათბირი ყველა სამეურნეო ორგანიზაციისა და ტრანსპორტის ურთიერთობის მოწესრიგებისათვის საშემოდგომო მიმოზიდვების საკითხების სფეროში.

2. თათბირი დამტკიცებულ იქნეს შემდეგი შედგენილობით: ამხ. ამხ. რედენსი, პოზდევევი, სააკიანი, ჯაფახოვი, ჯორჯაძე, ავაქიანი, ესაიანი, ალანია, ვოლოკოლენცოვი, სტანსკი და ჯაფარიძე.

თათბირის თავმჯდომარედ დამტკიცებულ იქნეს ამხ. რედენსი.

3. თათბირის ტექნიკურ აპარატად მიჩნეულ იქნეს სამიმოზიდვო კომიტეტი.

4. ყველა მატერიალურ-ტექნიკური და საორგანიზაციო ხასიათის საკითხი გადაეცეს განსახილველად თათბირს, რომლის დადგენილებებიც მიჩნეულ იქნეს ა/კსფსრ სახალხო კომისართა საბჭოს დადგენილებებად.

ა/კსფსრ სახალხო კომისართა

საბჭოს თავმჯდომარე შ. ელიავა.

ა/კსფსრ სახალხო კომისართა საბჭოს

საქმეთა მმართველის თან. დრ. აღმ. ა. ბანოვიჩი.

1930 წ. აგვისტოს 8.

ტფილისი—სახალხო.

გამოქვეყნებულია „ზარია ვოსტოკა“-ს 217 №-ში 1930 წ. აგვისტოს 14-ს.

№ 268.

163. „1930/31 წლის ერთიანი სასოფლო-სამეურნეო გადასახადის კანონის ძირითად დებულებათა თაობაზე“ გამოცემული ა/კსფსრ სახალხო კომისართა საბჭოს დადგენილების მე-11 მუხლის შეცვლის შესახებ.

„ერთიანი სასოფლო-სამეურნეო გადასახადის დებულების 29 მუხლის შეცვლის შესახებ“ გამოცემული სსრკ-ის ცენტრალური აღმასრულებელი კომიტეტისა და სახალხო კომისართა საბჭოს 1930 წ. ივლისის 23-ის დადგენილების თანახმად—ა/კსფსრ სახალხო კომისართა საბჭო აღგენს:

„1930/31 წლის ერთიანი სასოფლო-სამეურნეო გადასახადის კანონის ძირითად დებულებათა შესახებ“ გამოცემული ა/კსფსრ სახალხო კომისართა საბჭოს 1930 წ. მარტის 9-ის თარიღისა და 227 №-ის დადგენილების მე-11 მუხლი

(ა/კსტსრ კან. კრ. 1930 წ. №-6 ნი-ი, მუხ. 71 და 1930 წ. მე-12 ნი-ი, მუხ. 131) მიღებულ იქნეს შემდეგი რედაქციით:

„მუხ. 11. მეურნეობა კულაკურ მეურნეობად ჩაითვლება. და ინდივიდუალური წესით დაიბეგრება შემდეგი ნიშნების მიხედვით:

ა) უკეთუ მეურნეობაში სისტემატიურად გამოიყენება დაქირავებული შრომა სასოფლო სამეურნეო სამუშაოსათვის ან საშინამრეწველო რეწაობაში და საწარმოში, ისეთი შემთხვევის გამოკლებით, როდესაც დაქირავებული შრომის გამოყენება გამოწვეულია ამა თუ იმ სასოფლო-სამეურნეო კულტურის განსაკუთრებული ხასიათით და იგი არ აღემატება მუშა-ძალის დაქირავების უკიდურეს რაოდენობას.

მუშა-ძალის დაქირავების უკიდურესი რაოდენობა, რაც არ იწვევს მეურნეობის ინდივიდუალური წესით დაბეგრას, განსაზღვრულ იქნეს:

სამარცვლეულო, საბალე, სავენახე და საბრინჯე	
მეურნეობისათვის	100 დღე წელიწადში
საჩაიე მეურნეობისათვის	125 „ „
კულტურული ვენახებისათვის	150 „ „
საბამბე მეურნეობისათვის	150 „ „
სათამბაქო მეურნეობისათვის	240 „ „

სამესაქონლო მეურნეობისათვის — ერთი მწყემსი (იმ პირობით, უკეთუ მწყემსის შრომას აქვს დამხმარე ხასიათი და თანაც, უკეთუ მეურნეობაში მყოფი შრომისუნარიანი წევრები მონაწილეობას იღებენ მეურნეობის ყოველდღიურ საქმიანობაში);

შინამრეწველებისა და ხელოსნებისათვის — ერთი მოზრდილი მუშა ან ორი შეგირდი, უკეთუ მუშის ან შეგირდების დაქირავება გამოწვეულია წარმოების პირობებით.

შენიშვნა. ერთი მუდმივი დაქირავებული მუშის (მუშა-ქალის) ყოლა მეურნეობაში და სასეზონო დღეები ზემოაღნიშნულ ფარგლებში არ ჩაითვლება კულაკური მეურნეობის ნიშნად, უკეთუ მეურნეობას არა ჰყავს შრომისუნარიანი მამაკაცი, ან უკეთუ შრომისუნარიანი მამაკაცი მძიმე ავადმყოფია, სამსახურში იმყოფება ან წასულია საშოვარზე;

ბ) უკეთუ მეურნეობას აქვს ისეთი წისქვილი, ზეთის სახდელი ან კარაქის სადღეები, ბურღულის საფქველი, ფეტვის საფქველი, საჩეჩელი, მატყლის საბენტი, სასრესი, კარტოფილისა, ხილისა და ბოსტნეულის სახმობ-საშრობი და საცხეველი საწარმო, ნორმული ქარხანა ან სამრეწველო საწარმო, რომლისთვისაც გამოიყენება მექანიკურ ძრავი; უკეთუ მეურნეობას აქვს ასეთი საწარმო, რომელიც მოქმედობს ქარისა თუ წყლის ძალით, და რომლის შემოსავალიც აღემატება ა/კსტსრ შედგენილობაში შიშვალის რესპუბლიკებისათვის დაწესებულ ერთიანი სასოფლო-სამეურნეო გადასახადით დაუბეგრავ მინიმუმს; ამასთანავე, მეურნეობაში ერთი ერთ-თვლიანი ქარისა თუ წყლის წისქვილის ქონა არ ჩაითვლება ისეთ ნიშნად, რომლის მიხედვითაც მეურნეობა ინდივიდუალური წესით იბეგრება;

გ) უკეთუ მეურნეობას აქვს სამრეწველო საწარმო და ამ საწარმოს მეშვეობით იგი ეწევა გარემო მოსახლეობის ექსპლოატაციას სამუშაოს სახლში გაცემით, ან ეს საწარმო იჯარით აქვს გაცემული;

დ) უკეთუ მეურნეობა სისტემატიურად აქირავებს რთულ სასოფლო-სამეურნეო მანქანას მექანიკური ძრავით ან ამ მანქანით ასრულებს სამუშაოს სხვა მეურნეობისათვის და იღებს სასყიდელს;

ე) უკეთუ მეურნეობა იჯარით იღებს მიწას ისეთ პირობებზე, რასაც სარაიონო საგადასახადო კომისია სცნობს კაბალურ პირობებად მიწის გამცემისათვის;

ვ) უკეთუ მეურნეობა სავაჭრო და სამრეწველო ექსპლოატაციის მიზნით იჯარით იღებს ბაღს, ვენახს, და სხვ.; ამასთანავე, ა/კსფსრ შედგენილობაში შემავალი რესპუბლიკების სახალხო კომისართა საბჭოები განსაზღვრავენ ბაღისა და ვენახის იჯარით გაცემის ოდენობასა და პირობებს, რომლის მიხედვითაც იჯარა არ ჩაითვლება ისეთ ნიშნად, რომ მეურნეობა ინდივიდუალური წესით დაიბეგროს;

ზ) უკეთუ მეურნეობა სისტემატიურად აქირავებს ცალკეულ გაწყობილ შენობას საცხოვრებლად ან საწარმოს მოსათავსებლად და ამ გაქირავებით მიღებული შემოსავალი აღემატება 200 მან. წელიწადში;

თ) უკეთუ მეურნეობის წევრი ეწევა ვაჭრობას, მეფახშვობას ან მას აქვს სხვა არაშრომითი შემოსავალი, მათ შორის კულტის მსახურის შემოსავალიც, და, ამასთანავე, ამ წყაროების შემოსავლი აღემატება ა/კსფსრ შედგენილობაში შემავალი რესპუბლიკებისათვის დაწესებულ ერთიანი სასოფლო-სამეურნეო გადასახდით დაუბეგრავ მინიმუმს“.

ა/კსფსრ სახალხო კომისართა საბჭოს
თავმჯდომარის შოადგილე ა. ბეგზადიანი.

ა/კსფსრ სახალხო კომისართა
საბჭოს საქმეთა მმართველის თან. დრ. აღმ. ა. ბანოვიჩი.

1930 წ. ივლისის 8.

ტფილისი—სასახლე.

გამოქვეყნებულია “ზარია ვოსტოკა“-ს 217 №-ში 1930 წ. აგვისტოს 14-ს.

№ 269.

164. „1930 წლის საგაზაფხულო კამპანიისათვის ბამბის თესვის გეგმის აღსრულების უზრუნველსაყოფად საჭირო ღონისძიებათა თაობაზე“ გამოცემული ა/კსფსრ სახალხო კომისართა საბჭოს 1930 წ. მარტის 15-ის დადგენილების 1-ლი მუხლის შენიშვნის გაუქმების შესახებ.

ა/კსფსრ სახალხო კომისართა საბჭო ადგენს:

„1930 წ. საგაზაფხულო კამპანიისათვის ბამბის თესვის გეგმის აღსრულების უზრუნველსაყოფად საჭირო ღონისძიებათა თაობაზე“ გამოცემული ა/კსფსრ სახალხო კომისართა საბჭოს 1930 წ. მარტის 15-ის დადგენილების 1-ლი მუხლის შენიშვნა (ა/კსფსრ კან. კრ. 1930 წ. მე-7 №-ი, მუხ. 85) გაუქმებულ იქნეს.

ა/კსფსრ სახალხო კომისართა საბჭოს
თავმჯდომარის მოადგილე ა. ბეგზადიანი.

ა/კსფსრ სახალხო კომისართა საბჭოს
საქმეთა მმართველის თან. დრ. აღმ. ა. ბანოვიჩი.

1930 წ. აგვისტოს 10.

ტფილისი-სასახლე.

გამოქვეყნებულია „ზარია ვოსტოკა“-ს 220 №-ში 1930 წ. აგვისტოს 17-ს.

№ 270.

165. ა/კსფსრ სახელმწიფო საგეგმო კომისიასთან არსებული ამიერკავკასიის ნაგებობათა სამეცნიერო-საკვლევო ინსტიტუტის დებულების დამტკიცების შესახებ.

ა/კსფსრ სახალხო კომისართა საბჭო ადგენს:

1. დამტკიცებულ იქნეს შემდეგი დებულება ა/კსფსრ სახელმწიფო საგეგმო კომისიასთან არსებული ამიერკავკასიის ნაგებობათა სამეცნიერო-საკვლევო ინსტიტუტის შესახებ.

2. ა/კსფსრ სახალხო კომისართა საბჭოს 1929 წ. იანვრის 17-ის დადგენილება „ა/კსფსრ უმაღლეს ეკონომიური საბჭოსთან არსებული ამიერკავკასიის ნაგებობათა სამეცნიერო-საკვლევო ინსტიტუტის დებულების დამტკიცების შესახებ“ და თვით დებულება (ა/კსფსრ კან. კრ. 1929 წ. მე-2 №-ი, მუხ. 17) გაუქმებულ იქნეს.

ა/კსფსრ სახალხო კომისართა საბჭოს
თავმჯდომარის მოადგილე ა. ბეგზადიანი.

ა/კსფსრ სახალხო კომისართა საბჭოს
საქმეთა მმართველის თან. დრ. აღმ. ა. ბანოვიჩი.

1930 წ. აგვისტოს 10.

ტფილისი-სასახლე.



დ ე ბ უ ლ ე ბ ა

ა/კსფსრ სახელმწიფო საგვამო კომისიასთან არსებული ამირ-კავკასიის ნაგებობათა სამეცნიერო-საკვლავო ინსტიტუტის შესახებ.

I. ინსტიტუტის ამოცანები და მათი შესრულება.

1. ინსტიტუტს ამოცანად აქვს:

ა) მშენებლობის რაციონალიზაცია და ა/კსფსრ-ში მშენებლობის საქმისათვის ახალი საშენი მასალისა და ახალი მეთოდების გამოყენების დასაბუთება—საშენი მასალისა, კონსტრუქციებისა და მშენებლობის წარმოების ყველა პროცესის ყოველმხრივი ექსპერიმენტალური შესწავლით;

ბ) მშენებლობის დარგის მომუშავეთა ფართო წრეებისათვის ინსტიტუტის მუშაობის მიღწევათა გაცნობა და მშენებლობის ტექნიკის კვალიფიციური სპეციალისტების მომზადებისათვის ხელის შეწყობა.

2. თავის ამოცანებს ინსტიტუტი ანხორციელებს:

ა) სალაბორატორიო გამოკვლევით;

ბ) მშენებლობაში მასალისა და კონსტრუქციების ყოველმხრივი გამოცდით და შესწავლით;

გ) საცდელ შენობათა და კონსტრუქციათა აგების წარმოებაში მონაწილეობით;

დ) დაწესებულებათა, საწარმოთა და ცალკეულ მშენებლობათათვის ტექნიკური კონსულტაციით და სამშენებლო წარმოების ელემენტებისათვის მეცნიერულად დაყენებული კონტროლის გაწევით;

ე) არსებული წესის დაცვით პერიოდული კონფერენციებისა, ყრილობებისა და თათბირების მოწყობით მშენებლობის საკითხების გამო;

ვ) წარმოების მეთოდების ადგილობრივ გამოკვლევითა და მიღებული შედეგების ანალიზებით;

ზ) სხვა სამეცნიერო-საექსპერიმენტალ დაწესებულებებთან სისტემატიური კავშირისა და კონტაქტის დაჭერით;

თ) მშენებლობის შესახებ სამეცნიერო ნაშრომებისა, კრებულებისა, წერილებისა, ბიბლიოგრაფიული მასალებისა და სპეციალური ლიტერატურის გამოცემით საამისოდ არსებული კანონებისა და განკარგულებების თანახმად;

ი) პერიოდული კურსებისა, მოხსენებებისა და ლექციების მოწყობით მშენებლობის სფეროში მომუშავე სპეციალისტებისათვის;

კ) ინსტიტუტის ამოცანათა სფეროში საუკეთესო გამოკვლევებისათვის კონკურსების მოწყობით და პრემიების გაცემით.

II. ინსტიტუტის მმართველობა.

3. ინსტიტუტი ა/კსფსრ სახელმწიფო საგვამო კომისიის გამგებლობაშია.

4. ინსტიტუტის სათავეში სდგას ინსტიტუტის დირექცია და კოლეგია.

5. ინსტიტუტის დირექციას შეადგენენ: დირექტორი, დირექტორის მოადგილე და მსწავლელი მდივანი.

6. ინსტიტუტის დირექცია შეიმუშავებს და წარუდგენს ა/კ. სმხელმწიფო საგვემო კომისიის პრეზიდიუმს დასამტკიცებლად ინსტიტუტის შტატს, რომელიც იხსნება საბიუჯეტო სახსარით.

7. სპეციალური სახსარით განსახორციელებელ სამეცნიერო-საკვლევო სამუშაოთა და ცალკეული ორგანიზაციების მინდობილობით და სახელმწიფო-ლობო დავალებებით განსახორციელებელ (ამ ორგანიზაციებისავე სახსარით) მიზნობრივ სამუშაოთა შესასრულებლად საჭირო თანამშრომელთა (მოსამსახურეები, მუშები და კონსულტანტები) რიცხვს და კვალიფიკაციას განსაზღვრავს ინსტიტუტის დირექცია.

8. თანამდებობათა ნორმალურ ნუსხას და ჯამაგირების რაოდენობას შეიმუშავებს დირექცია ა/კ. შრომის სახალხო კომისარიატთან შეთანხმებით.

9. დირექცია უწევს ხელმძღვანელობას მთლად ინსტიტუტის მიმდინარე მუშაობას, ა/კსფსრ სახელმწიფო საგვემო კომისიის პრ-სა და სრულიად საკავშირო ნაგებობათა ინსტიტუტის დირექციის მიერ დამტკიცებული საპერსპექტივო გეგმებისა და წლიური საწარმოო პროგრამების თანახმად.

10. ინსტიტუტის კოლეგიას შეადგენენ: დირექტორი, მისი მოადგილე, სამეცნიერო-საკვლევო ჯგუფების ხელმძღვანელები და დიდროვანი მშენებელი ორგანიზაციებისა და სამშენებლო მრეწველობის წარმომადგენელები.

11. დირექტორსა და მის მოადგილეს დაამტკიცებს ა/კსფსრ უმაღლესი ეკონომიური საბჭო ა/კ. სახელმწიფო საგვემო კომისიის წარდგენით, რაც შეთანხმებულ უნდა იქნეს სრულიად საკავშირო ნაგებობათა ინსტიტუტის დირექციასთან.

12. თანამშრომელთ მოიწვევს: მსწავლული მდივნისა და ჯგუფების ხელმძღვანელთა თანამდებობაზე—დირექცია, ხოლო დანარჩენ თანამდებობაზე ინსტიტუტის დირექტორი.

13. კოლეგიის შედგენილობას დაამტკიცებს ა/კ. სახელმწიფო საგვემო კომისიის პრეზიდიუმი დირექციის წარდგენით; ამასთანავე, დირექტორი და მისი მოადგილე არიან ინსტიტუტის კოლეგიის თავმჯდომარედ და თავმჯდომარის მოადგილედ.

14. ინსტიტუტის კოლეგიის გამგებლობის საგანს შეადგენს:

ა) საერთო ხელმძღვანელობა გაუწიოს ინსტიტუტის სამეცნიერო-სატექნიკო მოქმედებას და შეათანხმოს ცალკეული ჯგუფების მუშაობა;

ბ) განიხილოს და დაამტკიცოს ინსტიტუტის სამეცნიერო ანგარიშები;

გ) განიხილოს (სახელმწიფო საგვემო კომისიის პრეზიდიუმის მიერ დამტკიცებამდე) წლიური გეგმები, საკონტროლო ციფრები და საწარმოო პროგრამები;

დ) განიხილოს დირექციის მიერ შეტანილი საკითხები;

ე) განიხილოს ინსტიტუტის ხარჯთაღრიცხვები და საფინანსო ანგარიშები როგორც სახელმწიფო ბიუჯეტისა, ისე სპეციალურ სახსართა ხაზით და დასამტკიცებლად ა/კ. სახელმწიფო საგვემო კომისიის პრეზიდიუმს და სრულიად საკავშირო ნაგებობათა ინსტიტუტს წარუდგინოს;

ვ) შეადგინოს და განიხილოს ინსტიტუტები, რითაც განისაზღვრება ნაგებობათა ინსტიტუტის ქვემდებარე დაწესებულებათა სამეცნიერო-სატექნიკო მუშაობა;

ზ) დაამტკიცოს ინსტიტუტის სახელით გამოსაქვეყნებელი ნაშრომები.

15. საქმე კოლეგიაში გადაწყდება ხმის უმეტესობით; უკეთეს ხმები უმაზე გაიყოს—თავმჯდომარის ხმა გადასძლევის.

16. დირექცია კოლეგიის აღმასრულებელი ორგანოა. ინსტიტუტის დირექტორის მოვალეობას შეადგენს;

ა) მეთვალყურეობა გაუწიოს მთლად ინსტიტუტის მუშაობასა და მცვაღინეობას;

ბ) მიიღოს და დაითხოვოს თანამშრომელნი—ყველა არსებული წესებისა და კანონდებულების დაცვით;

გ) ზედამხედველობა გაუწიოს ინსტიტუტის სახსართა წესიერად შემოსვლასა და ხარჯვას;

დ) დაამყაროს კავშირი ინსტიტუტის საქმეების გამო ყველა სახელმწიფო დაწესებულებასთან და საწარმოსთან;

ე) დასდოს ინსტიტუტის ამოცანების შესაბამისი ყოველგვარი ხელშეკრულობა არსებულ კანონდებულებათა დაცვით;

ვ) გახსნას ინსტიტუტის სახელზე საკრედიტო დაწესებულებებში მიმდინარე ანგარიშები და ხელი მოაწეროს ამ ანგარიშების ჩეკებს;

ზ) ისარჩელოს და პასუხი აგოს სასამართლოში ინსტიტუტის სახელით გარეშე განსაკუთრებული რწმუნებულობისა;

თ) გასწიოს წარმომადგენლობა ინსტიტუტის სახელით ყველა დაწესებულებასა და საწარმოში;

ი) გასცეს რწმუნებულობანი მთლად თავისი უფლებამოსილობის ფარგალში ან ნაწილობრივ.

17. დირექტორის ავადმყოფობისა ან სხვაგან ყოფნის დროს მის მოვალეობას ასრულებს მისი მოადგილე.

18. საადმინისტრაციო-სამეურნეო სფეროში ინსტიტუტის დირექცია პასუხისმგებელია ა/კ. სახელმწიფო საგეგმო კომისიის პრეზიდიუმის წინაშე; სამეცნიერო-სატექნიკო სფეროში იგი იხელმძღვანელებს სრულიად საკავშირო სამოქალაქო, საინჟინერო და სამრეწველო ნაგებობათა ინსტიტუტის დირექტივებს.

III. განყოფილებანი და დამხმარე დაწესებულებანი.

19. ჩამოთვლილი ამოცანების მიხედვით ინსტიტუტი განიყოფება სამეცნიერო-საკვლეო ჯგუფებად სამშენებლო ტექნიკის ცალკეული დარგების თანახმად.

20. ინსტიტუტს უფლება აქვს, თავისი მოქმედების განსავითარებლად, ამაღებულების 1-ლ მუხლში გათვალისწინებული ამოცანების ფარგლებში, ა/კ. სახელმწიფო საგეგმო კომისიის პრეზიდიუმის ნებართვით, მოაწყოს ყოველგვარი დამხმარე საწარმო, როგორც არის: ლაბორატორია, სახელოსნო, საცდელი ქარხანა, საცდელი შენობა და სხვ. ინსტიტუტის დამხმარე დაწესებულებას უნდა



ჰქონდეს საცდელ-საწარმოო და საჩვენებელი ხასიათი სალაბორატორიო მიღწევათა შესამოწმებლად და მშენებლობის იმ კონსტრუქციებისა და მეთოდების შემოსაღებად, რაც შეფარდებულ და გავრცელებულ უნდა იქნეს პრაქტიკულ მშენებლობაში. საშენი მასალის წარმოებისა და გამოყენების მეთოდიკა, მისი ტექნიკური და ეკონომიური მიზანშეწონილობის საცდელ-საჩვენებელი მასშტაბით გამორკვევის შემდეგ, უნდა გადაეცეს მრეწველობის სათანადო დარგებს.

IV. ხელისშემწყობი საბჭო.

21. ინსტიტუტსა და სამეურნეო და სამეცნიერო ორგანოებსა და დაწესებულებებს შორის კავშირის გასაძლიერებლად ინსტიტუტთან შეიძლება მოეწყოს ხელისშემწყობი საბჭო.

22. ხელისშემწყობი საბჭოს შედგენილობა:

ა) ინსტიტუტის კოლეგია;

ბ) ინსტიტუტის მუშაობით დაინტერესებული სამეურნეო და სამეცნიერო ორგანოებისა და დაწესებულებების უფლებამოსილი წარმომადგენელი — ინსტიტუტის კოლეგიის მიერ დამტკიცებული სიის მიხედვით.

23. ხელისშემწყობი საბჭოს ამოცანებს შეადგენს:

ა) განიხილოს ინსტიტუტის სამუშაოთა გეგმები სამეურნეო ორგანოების შეკვეთით და აგრეთვე მოისმინოს ინსტიტუტის ანგარიშები ამ გეგმების შესრულების შესახებ;

ბ) განიხილოს გენერალური და კერძო ხელშეკრულობანი ინსტიტუტის მიერ მშენებელ ორგანიზაციათათვის და სამშენებლო მრეწველობის საწარმოთათვის მომსახურების გაწევის თაობაზე და მათთვის ინსტიტუტის მიერ შემუშავებული ახალი მასალის გამოყენების მეთოდებისა, სამშენებლო წარმოების მეთოდებისა და საცდელი კონსტრუქციების გადაცემის შესახებ.

V. სატეხნიკო თათბირები.

24. ინსტიტუტთან შეიძლება მოწვეულ იქნეს სატეხნიკო თათბირები, რომელთა ამოცანასაც შეადგენს:

ა) განიხილონ ცალკეული სამეცნიერო-სატეხნიკო საკითხები, რასაც აღძრავენ ინსტიტუტი, მშენებელი ორგანოები და სამშენებლო მრეწველობა;

ბ) შეათანხმონ ინსტიტუტის სამუშაოები სხვა საცდელ და საკვლევ ლაბორატორიებთან და სისწორით განსაზღვრონ მათ შორის ეს სამუშაოები;

გ) გააცნონ ტექნიკურ წრეებს ახალი მიღწევანი ინსტიტუტის მუშაობის სფეროში.

25. სატეხნიკო თათბირების შედგენილობას განსაზღვრავს ინსტიტუტის დირექცია; თათბირებში შედიან:

ა) მეცნიერების დარგში მომუშავენი ინსტიტუტისა;

ბ) ინსტიტუტის მუშაობით დაინტერესებულ დაწესებულებათა და საწარმოთა ტექნიკური პერსონალი;

გ) ლაბორატორიებისა და საკონსტრუქტორო და საპროექტო ბუიროების მომუშავენი;



დ) სპეციალურად მოწვეულნი, ავტორიტეტის მქონე მეცნიერი მომუშავენი.

26. სატექნიკო თათბირის თამჯდომარედ არის ინსტიტუტის დირექტორი ან—მისი დანიშვნით—სხვა ვინმე პირი ინსტიტუტის თანამშრომელთა შორის მეცნიერების დარგში მომუშავეთაგან.

IV. ინსტიტუტის უფლებანი.

27. ინსტიტუტს უფლება აქვს—უშუალო ურთიერთი მიმართვა იკონიოს ა/კსფსრ ყველა დაწესებულებასთან, სსრკ-ის სახალხო კომისარიატებისა, ა/კსფსრ ცენტრალური აღმასრულებელი კომიტეტისა და ა/კსფსრ შედგენილობაში შემავალი მოკავშირე რესპუბლიკების ცენტრალური აღმასრულებელი კომიტეტებისა, სახალხო კომისართა საბჭოებისა და ეკონომიური თათბირების გამოკლებით, რომლებთანაც ურთიერთი მიმართვა სწარმოებს ა/კსფსრ სახელმწიფო საგეგმო კომისიის მეშვეობით.

28. ინსტიტუტს, არსებული წესის დაცვით, შეუძლიან მოიპოვოს უფლება—მიიღოს ხოლმე უბაჟოდ უცხოეთიდან მისი საკვლევე მოღვაწეობისათვის საჭირო საგნები და მასალები.

29. ინსტიტუტს შეუძლიან, არსებული წესისამებრ, მიიღოს უფლება—ჰგზავნოს ხოლმე უფასოდ ფოსტით უფასო ამანათები წონით 16 კილოგრ. და ბანდეროლები ნაბეჭდი ნაწარმოებებით.

30. ინსტიტუტს უფლება აქვს მოაწყოს ყოველგვარი სამოქალაქო, სამრეწველო და საინჟინერო მშენებლობის საკითხებისათვის დროებითი კურსები და მოიწვიოს ყრილობები, საამისოდ მომქმედი კონონებისა და განკარგულებების დაცვით.

31. ინსტიტუტს უფლება აქვს დასდოს ყოველგვარი გარიგება მესამე პირებთან და იკისროს ვალდებულება, სათანადო კანონებისა და განკარგულებების დაცვით; ამასთანავე, ინსტიტუტი პასუხისმგებელია თავისი ვალდებულებისათვის მარტოოდენ სპეციალური სახსარით შექმნილი ქონების ფარგლებში.

32. სახელმწიფო და ადგილობრივი გადასახადებითა და გამოსაღებით დაბეგვრის სფეროში ინსტიტუტს აქვს ყველა ის უფლება, რაც კანონით სამეცნიერო-საკვლევე დაწესებულებებს ეკუთვნის.

33. ინსტიტუტს აქვს საღერბო ბეჭედი შემდეგი წარწერით: „ამიერკავკასიის ნაგებობათა სამეცნიერო-საკვლევე ინსტიტუტი“.

VII. ინსტიტუტის სახსარი.

34. ინსტიტუტის სახსარი შესდგება:

ა) იმ კრედიტებისაგან, რასაც ინსტიტუტი მიიღებს ა/კსფსრ სახელმწიფო საგეგმო კომისიის წლიური ხარჯთაღრიცხვით სახელმწიფო ბიუჯეტიდან;

ბ) იმ სპეციალური სახსარისაგან, რასაც ინსტიტუტი მიიღებს თავისი მოღვაწეობის განსავითარებლად ამა დებულების 1-მუხლში აღნიშნული ამოცანების ფარგლებში და რაც მიქცეულ იქნება მისი სამეცნიერო-სატექნიკო მოღვაწეობის გაფართოებისათვის;

გ) საცდელი მშენებლობის სრულიად საკავშირო ფონდის სახსრისაგან—განსაკუთრებული გეგმების მიხედვით, რასაც დაამტკიცებს სსრკ-ის სახელმწიფო სააგემო კომისია.

35. სპეციალურ სახსარს ინსტიტუტი მიიღებს:

ა) სრულიად საკავშირო ნაგებობათა ინსტიტუტისაგან;

ბ) ინსტიტუტის დაწესებულებათა საცდელ-საწარმოო მუშაობით მიიღებული პროდუქტების რეალიზაციისაგან;

გ) ინსტიტუტის მიერ განცხადებული პატენტებისა და გამოგონებათა გაყიდვით და გამოყენებით მიღებული შემოსავლის სახით;

დ) სახელმწიფო დაწესებულებებისა და საზოგადოებრივი ორგანიზაციების მიერ გადადებული დახმარების სახით;

ე) ინსტიტუტის მიერ სამეურნეო ორგანოებისათვის შესრულებული სამეცნიერო-საკვლევო სამუშაოებისა, კონსტრუქციებისა, წარმოების დაყენებისა, ანალიზებისა, ექსპერტიზებისა, საპროექტო სამუშაოებისა, სამონტაჟო სამუშაოებისა, გამოცდებისა და სხვ. სასყიდლის სახით;

ვ) ნაკეთობათა გაყიდვით და სხვადასხვა გამოცდებისათვის და სხვ.

36. სპეციალურ სახსართა მიღებისა, შენახვისა და დახარჯვის წესი განისაზღვრება არსებული კანონდებულებებითა და ინსტრუქციებით.

№ 271.

166. დებულება პურ-ფურაჟისა და ხილეულ-ბოსტნეულის დამზადებათა ჩატარებისათვის ხელმძღვანელობისა, მეთვალყურეობისა და კონტროლის გასაწევად დანიშნულ ა/კსფსრ სახალხო კომისართა საბჭოს განსაკუთრებული რწმუნებულისა და ა/კსფსრ შედგენილობაში შემავალი რესპუბლიკების განსაკუთრებულ რწმუნებულთა შესახებ.

ა/კსფსრ სახალხო კომისართა საბჭო ადგენს:

1. პურ-ფურაჟისა და ხილეულ-ბოსტნეულის დამზადებათა ჩატარებისათვის დანიშნულ განსაკუთრებულ რწმუნებულს დაეკისროს საერთო ხელმძღვანელობისა და მეთვალყურეობის გაწევა პურ-ფურაჟისა და ხილეულ-ბოსტნეულის დამზადების წინასწარი-თადარიგისა და ჩატარების მსვლელობისათვის და კონტროლი სსრკ-ისა და ა/კსფსრ მთავრობის იმ დადგენილებათა განხორციელებისათვის, რაც პურ-ფურაჟისა და ხილეულ ბოსტნეულის დამზადებასთან დაკავშირებულ ღონისძიებათ შეეხება.

2. 1-ლ მუხლში აღნიშნულ ამოცანათა შესრულებისათვის განსაკუთრებულ რწმუნებულს მიეცეს უფლება:

ა) მოსთხოვოს ა/კსფსრ ყველა ორგანოს, აგრეთვე რესპუბლიკანურ და ადგილობრივ ორგანოებსა და ორგანიზაციებს დაუყოვნებლივ შეასრულონ მისი განკარგულებანი და წარუდგინონ მას ცნობები ყველა იმ ღონისძიებათა თაობაზე, რაც დაკავშირებულია პურ-ფურაჟისა და ხილეულ-ბოსტნეულის დამზადებასთან;



ბ) წინადადება მისცეს ყველა დაწესებულებასა, საწარმოს და ორგანიზაციას დაუყოვნებლივ ააცილოს საქმეს ყველა ის ნაკლი, რაც შენიშნული იქნება პურ-ფურაჟისა და ხილეულ-ბოსტნეულის დამზადების სფეროში;

გ) პასუხისგებაში მისცეს ყველა დამნაშავე თანამდებობის პირი, რომელიც თავის დროზე ან სათანადოდ არ შეასრულებს მის განკარგულებას, გამოიჩინს უთაურობას, ან ჩაიდნეს რაიმე ისეთ მოქმედებას, რასაც შეუძლიან ცუდი გავლენა მოახდინოს პურ-ფურაჟისა და ხილეულ-ბოსტნეულის წარმატებით დამზადებაზე;

3. დაუყოვნებელ შემთხვევაში, როდესაც საქმის გადადება არ შეიძლება, გადასწყვიტოს ა/კსფსრ სახალხო კომისართა საბჭოს სახელით ყველა საკითხი პურ-ფურაჟისა და ხილეულ-ბოსტნეულის დამზადების გამო, რასაც შემდგომ მოახსენებს სახალხო კომისართა საბჭოს.

4. პურ-ფურაჟისა და ხილეულ-ბოსტნეულის დამზადების საქმის განსაკუთრებული რწმუნებულის განკარგულება შეიძლება გააუქმოს მხოლოდ ა/კსფსრ სახალხო კომისართა საბჭომ.

5. განსაკუთრებული რწმუნებულის განკარგულებაზე საჩივრის შეტანა ვერ შეაჩერებს მისი განკარგულების აღსრულებას.

6. განსაკუთრებული რწმუნებულის არყოფნის დროს მის მოადგილეს აქვს ყველა ის უფლება, რაც გათვალისწინებულია ამა დადგენილებით.

7. წინადადება მიეცეს ა/კსფსრ შედგენილობაში შემავალი რესპუბლიკების სახალხო კომისართა საბჭოებს:

ა) დანიშნონ რესპუბლიკებში განსაკუთრებული რწმუნებულები — მათი ა/კსფსრ სახალხო კომისართა საბჭოს განსაკუთრებული რწმუნებულისათვის დაქვემდებარებით;

ბ) მოაწყონ ოლქებსა და რაიონებში პურ-ფურაჟისა და ხილეულ-ბოსტნეულის დამზადების ხელისშემწყობი კომისიები: რესპუბლიკის განსაკუთრებული რწმუნებულისა, აღმასრულებელი კომიტეტისა, პროფესიონალური კავშირისა, კოოპერაციისა, საფინანსო განყოფილებისა, „სოიუზხლვ“-ისა და „ა/კ. ხილეულ-ბოსტნეული“-ს წარმომადგენელთა შედგენილობით.

8. ა/კსფსრ სახალხო კომისართა საბჭოს 1929 წ. აგვისტოს 15-ის დადგენილება „ა/კსფსრ ტერიტორიაზე პურეულის დამზადებისათვის ხელმძღვანელობისა, მეთვალყურეობისა და კონტროლის გასაწყვეად ა/კსფსრ სახალხო კომისართა საბჭოს განსაკუთრებული რწმუნებულისა და ა/კსფსრ შედგენილობაში შემავალი რესპუბლიკების განსაკუთრებული რწმუნებულების დანიშვნის შესახებ“ (ა/კსფსრ კან. კრ. 1929 წ. მე-16 №-ი, მუხ. 134) გაუქმებულ იქნეს.

ა/კსფსრ სახალხო კომისართა

საბჭოს თავმჯდომარის მოადგილე ა. ბეგზადიანი.

ა/კსფსრ სახალხო კომისართა საბჭოს საქმეთა

მმართველის თან. დრ. აღმ. ა. ბანოვიჩი.

1930 წ. აგვისტოს 10.

ტფილისი-სასახლე.

გამოქვეყნებულია „ზარია ვოსტოკა“-ს 227 №-ში 1930 წ. აგვისტოს 24-ს.

№ 272.

167. ა/კსფსრ უმაღლეს ეკონომიურ საბჭოსთან სარეწაო კოოპერაციისა და შინამრეწველობის კომიტეტის მოწყობის შესახებ.

ა/კსფსრ სახალხო კომისართა საბჭო ადგენს:

1. ა/კსფსრ უმაღლეს ეკონომიურ საბჭოსთან მოწყობილ იქნეს სარეწაო კოოპერაციისა და შინამრეწველობის კომიტეტი.

2. კომიტეტს დაეკისროს:

ა) ხელი შეუწყოს შინამრეწველობის კოპერირებას;

ბ) დაამყაროს ურთიერთობა სარეწაო კოოპერაციისა და სახელმწიფო მრეწველობასა და სხვა კოპერატიულ სისტემებს შორის, კერძოდ კოლექტიურ მეურნეობებთან;

გ) შეთანხმოს ა/კსფსრ ყველა უწყებისა და სამიერკავკასიო მნიშვნელობის ყველა ორგანიზაციის მუშაობა შინამრეწველობის სფეროში;

დ) შეიმუშაოს და შეიტანოს დასამტკიცებლად ა/კსფსრ მთავრობაში დადგენილებათა პროექტები სარეწაო კოოპერაციისა და შინამრეწველობის საკითხების თაობაზე;

ე) საერთო მეთვალყურეობა გაუწიოს ა/კსფსრ მთავრობის მიერ სარეწაო კოოპერაციისა და შინამრეწველობის საკითხების თაობაზე გამოცემულ დადგენილებათა აღსრულებას;

ვ) მისცეს დასკვნები ა/კსფსრ სახალხო კომისართა საბჭოსა და უმაღლეს ეკონომიურ საბჭოში შეტანილი პროექტების თაობაზე, რაც კომიტეტის მოქმედების საგანთ ეხება;

ზ) მოიწვიოს ყრილობები და თათბირები სარეწაო კოოპერაციისა და შინამრეწველობის საკითხების გამო.

3. კომიტეტის თავდღომარეს, თავდღომარის მოადგილეს და წევრებს დანიშნავს ა/კსფსრ უმაღლესი ეკონომიური საბჭო.

4. კომიტეტს უფლება აქვს უშუალო ურთიერთი მიმართვა იქონიოს ა/კსფსრისა და მასში შემავალი რესპუბლიკების ყველა სახელმწიფო დაწესებულებასთან.

5. კომიტეტის შტატები და ხარჯთაღრიცხვა შეიტანება ა/კსფსრ სახალხო კომისართა საბჭოს და უმაღლესი ეკონომიური საბჭოს საქმეთა მმართველობის შტატებსა და ხარჯთაღრიცხვაში.

6. წინადადება მიეცეს ა/კსფსრ შედგენილობაში შემავალი რესპუბლიკების მთავრობათ მიაწვიონ სარეწაო კოოპერაციისა და შინამრეწველობის რესპუბლიკანური კომიტეტები და განსახვრონ მათი შედგენილობა და გამგებლობის ფარგალი.

ა/კსფსრ სახალხო კომისართა საბჭოს

თავმჯდომარის მოადგილე ა. ბეგზადიანი.

ა/კსფსრ სახალხო კომისართა

საბჭოს საქმეთა მმართველის თან. დრ. აღმ. ა. ბანოჯიჩი.

1930 წ. აგვისტოს 10.

ტიფლისი—სახსლები.

№ 273.

168. 1929/30 წლის მე-4 კვარტალში ა/კსფსრ-თვის ოთხფეხი საქონლის დამზადებისა და ხორცის მომარაგების შესახებ.

ა/კსფსრ სახალხო კომისართა საბჭო ადგენს:

1. ოთხფეხი საქონლის დამზადების ბაზრის მოსაწესრიგებლად მოხსნილ იქნეს დამზადებათა ბაზრიდან ყველა სახელმწიფო, კოოპერატიული და საზოგადოებრივი ორგანიზაცია, გარდა „სოიუზმისა“-ს და სასოფლო-სამეურნეო და სამომხმარებლო კოოპერაციის სისტემების აპარატებისა.

2. განმარტებულ იქნეს, რომ ა/კსფსრ სახალხო კომისართა საბჭოს 1930 წ. ივნისის 27-ის თარიღისა და 256 №-ის დადგენილება (ა/კსფსრ კან. კრ. 1930 წ. მე-12 № ი მუხ. 144) წვრილი ცალობითი მოვაჭრეებისათვის საქონლის დამზადებისა და ხორცის ვაჭრობის უფლების მინიჭების თაობაზე—ენება მხოლოდ მსხვილფეხა და წვრილფეხა რქოსანი საქონლის ხორცს.

3. კვლავ დადასტურებულ იქნეს, რომ ღორების დამზადებისა და ღორის ქონისა და ღორის ხორცის ვაჭრობისათვის ძალაში რჩება ა/კსფსრ სახალხო კომისართა საბჭოს დადგენილება, რომლითაც მთლად ა/კსფსრ ტერიტორიაზე კერძო ვაჭრებს ეკრძალებათ საკლავად ღორების დამზადება გაყიდვის მიზნით და აგრეთვე ღორის ხორცისა და უმი და გადამდნარი ღორის ქონის ვაჭრობა.

4. წინადადება მიეცეს ა/კსფსრ შედგენილობაში შემავალი რესპუბლიკების სახალხო კომისართა საბჭოებს—დაევალონ საქალაქო საბჭოებსა და სათანადო აღმასრულებელ კომიტეტებს აწარმოონ მედგარი ბრძოლა ა/კსფსრ ქალაქებში ფარულად საქონლის დაკვლის სავსებით აღმოფხვრისათვის, რისთვისაც უფლება მისცენ აღნიშნული აღმასრულებელი კომიტეტების საადმინისტრაციო განყოფილებებს მოახდინონ მთლად აღმოჩენილი ხორცის კონფისკაცია, დააღონ ადმინისტრატიული გადასახდელი ფარულ დაკვლაში მხილებულ პირთ და მისცენ ისინი პასუხისმგებაში სპეკულაციისათვის. რესპუბლიკების სახალხო კომისართა საბჭოებმა ხუთი დღის ვადაზე უნდა გამოსცენ ამის შესახებ შესაბამისი დადგენილება, რომლითაც გაითვალისწინება იმ პირთა დაპრემირება, ვინც საქონლის ფარულად დაკვლას აღმოაჩენს,—აღმოჩენილი და კონფისკებული ხორცის ღირებულობის 60% ის რაოდენობით.

შენიშვნა. ქალაქში ფარულ დაკვლად ითვლება საქონლის სასაკლავო გარეშე დაკვლა, და აგრეთვე, უკეთუ სასაკლავო არ არსებობს, ისეთი დაკვლა, როდესაც დაკული არ არის საამიშიზოდ დადგენილი სავეტრინარო და სასანიტარო-საჰიგიენო ზედამხედველობის წესები.

5. საქალაქო სასაკლავოებიდან ხორცის გამოშვება კერძო ცალობითი ვაჭრობისათვის, აგრეთვე როგორც კერძო, ისე განსაზოგადოებული სექტორის სასადილოებისათვის, მათ შორის საწარმოთა და დაწესებულებათა დახურული სასადილოებისათვის, განისაზღვროს: ქ. ბაქოში—15 დღით, ხოლო ა/კსფსრ დანარჩენ პუნქტებში 10 დღით თვეში და ხორცის ვაჭრობა კერძო მოვაჭრეთათვის და სასადილოებში ხორცეული საქმლის გაცემა ნებადართულ იქნეს.

148
 -473

ილოდ ამ დღეებში. ყველა სხვა დღე ჩაითვალოს ხორცუჭმელობის დღედ და დღეებში აიკრძალოს როგორც ხორცის ვაჭრობა კერძო მოვაჭრეების მიერ, ვე ხორცეული საქმლის გაცემა სასადილოებში.

6. წინამუხლით გათვალისწინებულ ხორცის კერძო ვაჭრობის დღეების შეღუდვასთან დაკავშირებით გაუქმებულ იქნეს ა/კსფსრ სახალხო კომისართა საბჭოს 930 წ. ივნისის 27-ის თარიღისა და 256 №-ის დადგენილების მე-4 მუხლის ა“ პუნქტის პირველი აბზაცი და ძალაში დატოვებულ იქნეს დადგენილება ორცის მრეწველობის ინდუსტრიალიზაციის ფონდში ხუთპროცენტიანი ანაზღაურების გადაღების შესახებ.

7. წინადადება მიეცეს ა/კსფსრ შედგენილობაში შემავალი რესპუბლიკების სახალხო კომისართა საბჭოებს—დაევალონ რესპუბლიკების საპროკურორო ზედამხედველობის ორგანოებსა და ადგილობრივ ადმინისტრაციულ ხელისუფლებას თხზილად ადგინონ თვალყური ყველა ორგანიზაციისა და პირის მიერ ამა დადგენილების შესრულებას და დაამყარონ სასწრაფო წესი ამა დადგენილების დამორღვევა წინააღმდეგ აღძრული საქმეების მსვლელობისა და განხილვისათვის.

ა/კსფსრ სახალხო კომისართა საბჭოს

თავმჯდომარის მოადგილე მ. ევაზარიანი.

ა/კსფსრ სახალხო კომისართა საბჭოს

საქმეთა მმართველის თან. დრ. აღმ. ა. ბანოვიჩი.

1930 წ. აგვისტოს 10.

ტფილისი—სასახლე.

გამოქვეყნებულია „ზარია ვოსტოკა“-ს 228 №-ში 1930 წ. აგვისტოს 25-ს.